



# CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · REL 01150709 · CIF P1507100D

<https://sede.aspontes.org/opencvms/gl/index.html>

Ref.: JMCA

Expediente núm. 2023/X999/002081  
2023/G003/002730

## DECRETO DO CONCELLEIRO-DELEGADO DA ÁREA DE XESTIÓN ECONÓMICA, PLANIFICACIÓN URBANA, SERVIZOS Á VECIÑANZA E RECURSOS HUMANOS

### ANTECEDENTES DE FEITO

En data 20/11/2023 o técnico de administración xeral (TAX) José Manuel Cabarcos Anca presentou un escrito no que pon de manifesto que ademais das tarefas do seu posto de traballo está a desempeñar as funcións do outro TAX (técnico de persoal) desde o 02/03/2021 -agás o período do 23/07/2021 até o 01/04/2022, no que tal cometido levouno a cabo unha funcionaria interina cun nomeamento por substitución- o que supón unha carga de traballo adicional difícil de afrontar.

Por esa razón solicitou que ante a próxima vacante por xubilación do referido TAX adscrito ao Servizo de Persoal, que se producirá o 03/12/2023, o concello inicie o oportuno expediente para a cobertura da dita vacante mediante o nomeamento dunha persoa funcionaria interina.

O concelleiro-delegado da Área de Xestión Económica, Planificación Urbana, Servizos á Veciñanza e Recursos Humanos ditou a providencia de inicio do procedemento, que leva data do 21/11/2023

Esta entidade local conta con unha única lista de espera ou bolsa de traballo vixente da referida categoría profesional, aprobada a través do Decreto núm. 1268/2021, do 7 de xullo (expediente 2021/G003/001336), e que trae a súa causa do procedemento selectivo tramitado no seo do expediente 2021/E001/000006, convocado mediante a Resolución 745/2021, do 22 de abril (BOP núm. 77, do 27/04/2021).

Efectuados os chamamentos, das tres persoas integrantes da lista, pola orde de prelación establecida, todas elas -Jesús Roibal Paseiro, María Roca Vázquez e Pilar Bermúdez González- renunciaron a ser nomeadas.

Das persoas indicadas a única que alegou e xustificou unha causa válida para non acudir ao chamamento (atópase en situación de baixa por incapacidade temporal) e, polo tanto, conservar o seu posto na lista de espera, foi Jesús Roibal Paseiro.

### FUNDAMENTOS LEGAIS

A base núm. 8 das reitoras da convocatoria establece o funcionamento da lista de espera, e as consecuencias do rexeitamento das ofertas, distintas segundo concorran ou non as causas de xustificación sinaladas.



## CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · REL 01150709 · CIF P1507100D

<https://sede.aspontes.org/opencms/gl/index.html>

Ref.: JMCA

Por outra parte, con ocasión da tramitación do expediente 2023/X999/000715 renunciaron sen causa xustificada as tres persoas integrantes da lista, o que supón a baixa definitiva da lista de espera das aspirantes María Roca Vázquez e Pilar Bermúdez González, que acumulan dúas renuncias non xustificadas, consonte dispón a base núm. 8.A), das que rexen a convocatoria

O resultado infrutuoso do procedemento obriga a ditar unha resolución na que se acorde **declarar deserto o expediente** e, ao mesmo tempo, **actualizar a lista de espera ou bolsa de traballo**.

A atribución para ditar a presente resolución correspóndelle ao concelleiro-delegado da Área de Xestión Económica, Planificación Urbana, Servizos á Veciñanza e Recursos Humanos, por mor do disposto no Decreto núm. 1529/2023, do 5 de xullo, de delegación de competencias nos membros da Corporación municipal (BOP núm. 133, do 13/07/2023).

Por todo o anteriormente exposto, a través do presente decreto, RESOLVO:

1º) **Declarar deserto o procedemento tramitado para o nomeamento dun/ha técnico/a de administración xeral (TAX) coa condición de persoal funcionario interino para a praza vacante de técnico/a de administración xeral, ao abeiro do disposto no artigo 10.1.a) do texto refundido da Lei do estatuto básico do empregado público, aprobado polo Real decreto legislativo 5/2015, do 30 de outubro (TRLEBEP).**

2º) **Excluir definitivamente da lista de espera as seguintes aspirantes:**

- **María Roca Vázquez, con DNI \*\*\*4609\*\***
- **Pilar Bermúdez González, con DNI \*\*\*1055\*\***

3º) **Actualizar a lista de espera (bolsa de traballo) de técnico/a de administración xeral (TAX), integrada pola única persoa integrante que seguidamente se indica:**

- **Jesús Roibal Paseiro, con DNI \*\*\*8442\*\***

3º) **Publicar a presente resolución na sede electrónica do concello (<https://sede.aspontes.org/opencms/es/informacion/>) e na páxina web municipal.**



## CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · REL 01150709 · CIF P1507100D

<https://sede.aspontes.org/opencms/gl/index.html>

Ref.: JMCA

Contra a presente resolución, que pon fin á vía administrativa, as persoas interesadas poderán interpor potestativamente o recurso de reposición ante o mesmo órgano que a ditou no prazo dun mes, contado a partir do día seguinte ao da notificación, segundo establecen os artigos 123 e 124 da Lei 39/2015, do 1 de outubro, do procedemento administrativo común das administracións públicas (LPACAP) . Se interpoñen o recurso de reposición non poderán interpoñer o recurso contencioso-administrativo até que sexa resolto expresamente ou se producise a desestimación presunta do recurso de reposición interposto.

Transcorrido un mes dende a interposición do recurso potestativo de reposición sen que se lle teña notificada a resolución expresa, entenderase desestimada por silencio administrativo, e quedará expedita a vía contencioso-administrativa, podendo interpoñer o recurso contencioso-administrativo no prazo de seis meses, a contar dende o día seguinte ao daquel no que se producise a desestimación presunta. Se o recurso de reposición foi resolto expresamente o prazo para interpoñer o recurso contencioso-administrativo é de dous meses a contar dende o día seguinte ao da notificación do acordo polo que se resolveu expresamente o citado recurso de reposición. Este recurso contencioso-administrativo poderá ser interposto ante o Xulgado correspondente do Contencioso-administrativo, efectuando a persoa demandante a elección que lle permite o artigo 14.1, regra segunda, da Lei 29/1998, do 13 de xullo, reguladora da xurisdición contencioso-administrativa (LRXCA).

Malia o anterior, poderá impugnar directamente este acto administrativo ante a orde xurisdiccional contencioso-administrativa (artigo 123.1 da LPACAP). Para tal efecto poderá interpoñer recurso contencioso-administrativo no prazo de dous meses a contar dende o día seguinte ao da notificación da presente resolución, perante o Xulgado do Contencioso-Administrativo que corresponda, a teor da elección permitida á persoa demandante polo artigo 14.1, regra segunda, da meritada Lei 29/1998, do 13 de xullo.

Así mesmo, a persoa interesada poderá interpor calquera outro recurso que estime procedente ou conveniente.

As Pontes de García Rodríguez, na data da sinatura dixital

O concelleiro-delegado da Área de Xestión Económica, Planificación Urbana, Servizos á Veciñanza e Recursos Humanos

Antonio Alonso Román



# CONCELLO DAS PONTES DE GARCÍA RODRÍGUEZ (A CORUÑA)

Parque Municipal s/n · CP 15320 · Telf. 981453116 · REL 01150709 · CIF P1507100D

<https://sede.aspontes.org/opencms/gl/index.html>

Ref.: JMCA

FIRMADO POR Antonio Alonso Román (FECHA: 01/12/2023 13:54:00)

Marina Núñez Orjales

(FECHA: 01/12/2023 13:01:00)

FIRMADO POR Antonio Alonso Román (FECHA: 01/12/2023 13:01:00)

Decreto Nº: 2649/2023 - Fecha de decreto: 01/12/2023

Versión imprimible

CVD: MJCPw98T0t6fniLu5Vft  
Verificable en la Sede Electrónica del Organismo.